

1. avuost

Festa da vschinauncha e Festa federela a Samedan



Marculdi, ils 31 lügl 2024

- a p. 16.00 Cumanzamaint da la festa da vschinauncha cun differentas baunchas da mangiativas e bavrandas.
Marcho da cudeschs in sela cumünela
16.00 Gö da marionettas per iffaunts in sela Puoz: «Bgera merda tar stria Battadaint».
18.00 Gö da marionettas per iffaunts in sela Puoz: «Chasper e l'ura da cucu invuleda».
- a.p. 19.00 Trategnimaint musical aint illa tenda granda da festa.

Gövgia, ils 1. avuost 2024

- a p. 10.00 Grand marcho da vschinauncha cun differentas baunchas da mangiativas e bavrandas.
Marcho da cudeschs in sela cumünela
10.00 Cult divin ecumenic illa baselgia da Plaz.
11.00 Concert da la Societed da musica San Murezzan-Samedan sülla piazza da la Chesa Planta. In cas da trid'ora ho il concert lö in sela Puoz.
12.00 Pled festiv dal cusglier dals chantuns dr. Martin Schmid sülla piazza da la Chesa Planta. In cas da trid'ora ho il pled festiv lö in sela Puoz.
Chanzun cumünaivla (Psalm svizzer) ed ulteriuras producziuns da la societad da musica San Murezzan-Samedan.
13/14/15.00 Preschantaziuns da film in Chesa Planta: "Cur cha la camera es gnida a San Murezzan". Entreda libra.
16.00 Aperò d'infurmaziun per possessuors da segundas abitaziuns aint il üert da la Chesa Planta. In cas da trid'ora ho l'aperò d'infurmaziun lö in sela Puoz.
18.00 **Fin da las festiviteds / fin dal marcho e da las activiteds da las baunchas.**
20.45 Reunion pel cortegi tar la posta. Indigens e giasts sun amiaivelmaing invidos. Iffaunts fin 7 ans vaun cun lampiuns, als pü vegls vegnan scumpartidas fuschellas.
21.00 **Plazza da festa / traget dal cortegi:** Sunasencha e cortegi davent da la posta, tres vschinauncha fin tar l'Hotel Des Alpes, speravi il Coop e'l Restorant Ciao Chao fin sül pro Sper l'En. Sül pro Sper l'En vain impizzo ün grand fö da 1. avuost. La vschinauncha offra ün aperitiv a la populaziun. Zieva il cortegi survegnan ils iffaunts grassins svizzers cun süj. Ram musical cun clings da tüba.

Indigens e giasts sun amiaivelmaing invidos a la festa. La populaziun vain giavüscheda da decorer las chesas cun binderas. Scu contribuziun a l'imbellimaint da la vschinauncha vegnan ils affers invidos da decorer las vaidrinas seguond il motto "1. avuost".

Raketes e fös artificiels – La vschinauncha da Samedan cussaglia da desister da fös artificiels

La vschinauncha da Samedan cussaglia da desister da fös artificiels. Ella nu resguarda que pü scu adatto al temp ed appellescha perque a la responsabilitad da minchün e minchüna. Our da quist motiv nu metta la vschinauncha neir a disposiziun üngüna piazza ufficia per lascher ir fös artificiels.
Grazcha fich per l'inclletta ed il piglier resguard.

Il Psalm svizzer (per chanter cumünaivelmaing)

In l'aurora la damaun,
At cugnoscha bain l'umaun,
Spiert etern, Dominatur, Tuotpussaunt!
Cur cha'ls munts straglüschan sura,
ura, liber Svizzer, ura!
I:Tia orma sainta ferm:!
Dieu in tschêl, il Bap etern,
Dieu in tschêl, il Bap, il Bap etern.

Eir la saira in splendor
da las stailas in l'azur
At chattains nus, Creatur,
Tuotpussaunt!
Cur cha'l firmamaint sclarescha,
in noss cours fidaunza crescha.
I:Tia orma sainta ferm:!
Dieu in tschêl, il Bap etern,
Dieu in tschêl, il Bap, il Bap etern.

Tü a nus nun est zuppo,
cur cha'l tschêl in nüvlas sto,
Tü imperscrutabel Spiert,
Tuotpussaunt!
Tschêl e terra T'obedeschan,
vents e nüvlas secundeschan.
I:Tia orma sainta ferm:!
Dieu in tschêl, il Bap etern,
Dieu in tschêl, il Bap, il Bap etern.